

影印汲古
閣初印本
五唐人集

追昔遊集目錄

卷上

南梁行

趨翰苑遭誣構四十六韻

憶春

日太液池

亭東候對

憶夜直金鑾殿

憶

春日曲江宴後許至芙蓉園
新昌宅書堂

前有藥樹一株今已盈拱則長慶中於翰林

院內西軒藥樹下移得纔長一寸僕夫封一

泥丸以歸植今則長成名之天上樹
過荆

門涉沅瀟
逾嶺嶠止荒陬抵高要
早移



九江泛五湖 過鍾陵 沂西江 早發

守滁陽深秋憶登城望瑯琊 滁陽春日

懷果園閑宴

悲善才

并序

聞里謠數古歌

轉壽春守太和庚戌歲二月祇命壽陽時

替裴五墉終歿因視壁題自墉而上或除名

在邊坐殿歿凡七子無一存焉壽人多寇盜

好訴訐時謂之凶郡獷俗特著蒙此處之顧

余衰年甘躡前患俾三月而寇靜朞歲而人

和虎不暴物姦吏屏竄三載復遭邪佞所惡

授賓客分司東都或舉其目或寄於風亦粗
繼詩人之末云 憶壽春廢虎坑余以春二

月至郡主吏舉所職稱霍山多虎每歲採茶
爲患擇肉於人至春常修陷阱數十所勒獵
者採其皮睛余悉除罷之是歲虎不復爲害
至余去郡三載 肥河維舟阻凍祇待勅命

二首

別連理樹

并序

虎不食人

并序

發壽陽

并序

初出淝口入淮

入淮至盱眙

憶東

湖

追昔遊集目

卷上

分目
東嶽遊集其目
定壽林風亦賦

嶽南人之木云
計壽春劉宗宗余以春二

民至嶽主吏舉泚湖嶽雲山
多宗其類將不

為惠群肉外人至春常
劉劉批幾十傳傳

青桂其真部余然若
顯之學海宜不窮其

至余去嶽三津
嶽所辨將出東嶽

嶽嶽嶽嶽嶽嶽
嶽不食人嶽嶽

嶽嶽嶽嶽嶽嶽
嶽嶽嶽嶽嶽嶽

嶽嶽嶽嶽嶽嶽
嶽嶽嶽嶽嶽嶽

追昔遊集卷上

曾鑿山
總保家

少海子

東吳毛晉子晉訂

南梁行

江城鬱鬱春草長悠悠漢水浮青光雜英飛盡空
晝景綠楊重陰官舍靜此時醉客縱橫書公言可

薦承明廬

元和十四年蒙故山南僕射崔公奏
觀察判官蒙以書奏見委常戲拙速

青

天詔下寵光至頒藉金閨徵石渠

是歲五月蒙
恩除右拾遺

梯

歸山路煙嵐隔山木幽深晚花拆澗底紅光奪火

燃搖風有毒愁行客

駱谷中多毒樹名山琵琶其
花明艷與杜鵑花同樵者識

之言曰早
花殺人

杜鵑啼咽花亦殷聲悲絕艷連空山斜

陽瞥映淺深樹雲雨翻迷崕谷間山雞錦質矜毛

羽透竹穿蘿命儔侶喬木幽谿上下同雄雌不惑

飛棲處望秦峰迴過商顏浪疊雲堆萬簇山行盡

杳冥青嶂外九重鐘漏紫霄間元和列侍明光殿

諫草初焚市朝變北闕趨臣半隙塵南梁笑客皆

飛霰追思感歎却昏迷霜鬢愁吟到曉雞故篋歲

深開斷簡秋堂月曙掩遺題嗚嗚曉角霞輝粲撫

劒當膺一長歎芻狗無由學聖賢空持感激終昏

旦

趨翰苑遭誣構四十六韻

九五當乾德三千應瑞符纂堯昌聖曆宗禹盛丕

圖

穆宗正月登位

畫象垂新令消兵易舊謨選賢方去智

招諫忽升愚

穆宗聽政五日蒙恩除右拾遺與淮南李公召入翰林也

大樂調

元氣神功運化鑪脫鱗超沆瀣翻翼集蓬壺捧日

恩光別抽毫顧問殊鳳形憐彩筆龍頷借驪珠擲

地聲名寡摩天羽翮孤潔身酬雨露利口扇讒諛

碧海同宸眷鴻毛比賤軀辨疑分黑白舉直舐朋

徒思政面論逢吉崔楨姦邪劉栖楚栢耆兇險張又新蘇景修朋黨也庭獸方呈角

階奠始効苜日傾烏掩魄星落斗摧樞穆宗升遐陸劔

悲喬岳號弓泣鼎湖亂群逢害馬擇肉縱狂羆逢吉

守澄栖楚栢耆又新等連為搏噬之徒膽為隳肝竭心因瀝血枯滿

帆摧駭浪征棹折危途余以戶部侍郎貶端州司馬燕客書方

詐堯門信未孚敬宗即位之初遭逢吉等誣搆宸襟未察銜冤遂深謗興金

就鑠毀極玉生瘡礪吻矜先搏張羅騁疾驅余遭逢吉

構成遂敬宗聽政之前一日宣命於月華門外竄逐地嫌稀颺颺海恨止番

禺栖楚等見逢吉怒所貶太近瘴嶺衝蛇入蒸池躡虺趨望天

收雪涕看鏡攬霜鬚草毒人驚剪茅荒室未誅火

風晴處扇山鬼雨中呼窮老鄉關遠羈愁骨肉無

鵲靈窺牖戶龜瑞出泥途

余到瑞州有紅龜一州人李再榮來獻稱嘗有

里人言吉徵也余放之于江中回頭者三四游泳前後不去久之又南中小鵲名曰蠻鵲形小如燕雀里中言此鳥不常見至而鳥舞必有喜應是日與龜同至於館也煙島深千瘴滄

波森四隅海標傳信使江棹認妻孥到接三冬暮

來經六月徂暗灘朝不怒驚瀨夜無虞

從吉州而南歷封康

並足湍瀨危險至極其名有滅門擣鮓霸州等灘惟江水泛漲則無此患康州悅城縣有媪龍祠或能致雲雨余以書祝之家累以十月泝流龍爲之三漲江水以達也俛首安羸業齊

眉慰病夫涸魚思雨潤僵燕望雷蘇詔下因頒朔

恩移詎省辜

余以寶曆元年五月量移江州長史

誑天猶指鹿依社

尚憑狐

逢吉尚為相

度嶺瞻牛斗浮江淬轆轤未平人

睚眦誰懼鬼柳榆盆浦潮通楚匡山地接吳庾樓

清桂滿遠寺素蓮敷髣髴皆停馬悲歡盡隙駒舊

交封宿草

沈八侍郎武十五侍郎元九

寵嚴京兆蔣防舍人皆為塵世衰髯

重生芻萬戟分梁苑雙旌寄魯儒駸駸移歲月冉

冉近桑榆疲馬愁千里孤鴻念五湖終當賦歸去

那更學楊朱

憶春日太液池亭東候對

長慶三年

宮鶯報曉瑞煙開
三島靈禽拂水迴
橋轉彩虹當綺殿
艦浮花鷁近蓬萊
草承香輦王孫長
桃艷仙顏阿母栽
簪筆此時方侍從
却思金馬笑鄒枚

憶夜直金鑾殿承旨

二年

月當銀漢玉繩低
深聽簫韶碧落齊
門壓紫垣高綺樹
閣連青瑣近丹梯
墨宣外渥催飛詔
草布深恩促換題
明日獨歸花路遠
可憐人世隔雲霓

憶春日曲江宴後許至芙蓉園

春風上苑開桃李詔許看花入御園香徑草中迴
玉勒鳳皇池畔泛金樽綠絲垂柳遮風暗紅藥低
叢拂砌繁歸繞曲江煙景晚未央明月鎖千門

新昌宅書堂前有藥樹一株今已盈拱則長
慶中於翰林院內西軒藥樹下移得纔長一

寸僕夫封一泥丸以歸植今則長成名之天

上樹

白榆星底開紅甲珠樹宮中長紫霄丹彩結心纔

辨質碧枝抽葉乍成條羽衣道士偷玄圃金簡真

人護玉苗長帶九天餘雨露近來葱翠欲成喬

過荆門

荆江水濶煙波轉荆門路遶山葱蒨帆勢侵雲滅
又明山程背日昏還見青青麥隴啼飛鴉寂寞野
徑棠梨花行行驅馬萬里遠漸入煙嵐危棧賒林
中有鳥飛出谷月上千巖一聲哭腸斷思歸不可
聞人言恨魄來巴蜀我聽此鳥祝我魂魂死勿學
聲銜冤縱爲羽族莫棲息直上青雲呼帝闈此時
山月如銜鏡岳樹參差互輝映皎潔深看入澗泉

分明細見樵人徑陰森鬼廟當郵亭雞豚日宰聞
臙腥愚夫禍福自迷惑魍魎憑何通百靈月低山
曉問行客已酌椒漿拜荒陌惆悵忠貞徒自持誰
祭山頭望夫石

涉沅瀟

屈原死處瀟湘陰滄浪森森雲沉沉蛟龍長怒虎
長嘯山木翛翛波浪深烟橫日落驚鴻起山映餘
霞森千里鴻呌離離入暮天霞消漠漠深雲水水
靈江暗揚波濤鼉鼉動盪風騷騷行人愁望待明

月星漢沉浮魃鬼號屈原爾爲懷忠沒水府通天
化靈物何不驅雷擊電除奸邪可憐空作沉泉骨
舉杯瀝酒招爾魂月彩滉漾開乾坤波明水黑山
隱見汨羅之上遙昏昏風帆候曉看五兩戍鼓齎
齎遠山響潮滿江津猿鳥啼荆夫楚語飛蠻漿瀟
湘島浦無人居風驚水暗惟鮫魚行來擊棹獨長
歎問爾精魄何所如

逾嶺嶠止荒陬抵高要

天將南北分寒暖北被羔裘南卉服寒氣凝爲戎

虜驕炎蒸結作蟲虺毒周王止化惟荆蠻漢武鑿

遠通孱顏南標銅柱限荒徼五嶺從茲窮險艱衡

山截斷炎方北迴雁峰南瘴煙黑萬壑奔傷溢作

瀧湍飛浪激如繩直南人謂水爲瀧如原瀑流自
郴南至韶北有八瀧其名神

龍雞附等瀧皆急險不可北南中輕舟迅疾
可入此水者因名之瀧船善游者爲瀧夫千崕

傍聳猿嘯悲丹蛇玄虺潛蛟蛇瀧夫擬楫劈高浪

瞥忽浮沉如電隨嶺頭刺竹蒙籠密火折紅蕉焰

燒日嶺上泉分南北流行人照水愁腸骨陰森石

路盤縈紆雨寒日煖常斯須瘴雲暫卷火山外蒼